

**CENTRALNA BANKA  
BOSNE I HERCEGOVINE**

Broj: UV-150-01-1-1755-3 /22 MM  
Sarajevo, 19.09.2022. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 12. sjednici od 19.09.2022. godine, donosi

**ODLUKU**

**o izboru najpovoljnijeg ponuđača u postupku javne nabavke usluga – iznajmljivanje MS licenci**

**Član 1.**

Centralna banka Bosne i Hercegovine (u daljem tekstu: Centralna banka) ugovor za nabavku usluga – iznajmljivanje MS licenci, putem otvorenog postupka, na period od tri godine, dodjeljuje ponuđaču SYS Company d.o.o. Sarajevo, u svemu prema ponudi broj: P-PON-22-00376 od 01.08.2022. godine.

**Član 2.**

(1) Ponuda ponuđača iz člana 1. ove odluke, nakon održane e-aukcije, iznosi:

424.915,00 USD

(slovima: četrinstotinedvadesetčetirihiľjadedevetstotina petnaest ameriĉkih dolara).

(2) Centralna banka će vršiti plaćanje usluga u konvertibilnim markama (KM), na osnovu zaključenog pojedinačnog ugovora, a po dostavljenoj fakturi dobavljača prema srednjem kursu USD na dan zaključenja ugovora.

**Član 3.**

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

**Član 4.**

Centralna banka će o rezultatima provedenog postupka javne nabavke obavijestiti ponuđače.

#### Član 5.

Za realizaciju ove odluke zadužuju se Odjeljenje za informacione tehnologije, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

#### Član 6.

Ova odluka će se objaviti na web stranici Centralne banke [www.cbbh.ba](http://www.cbbh.ba), istovremeno s upućivanjem obavještenja ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke usluga – iznajmljivanje MS licenci, pokrenut je Odlukom, broj: 150-15-4-1306-2/22 SAK od 03.06.2022. godine. U skladu s tim, Centralna banka je 24.06.2022. godine na Portalu javnih nabavki objavila obavještenje o nabavci broj: 1370-1-2-296-3-173/22. U predviđenom roku za prijem ponuda, odnosno do 03.08.2022. godine, blagovremeno su dostavljene dvije ponude sljedećih ponuđača:

1. SYS Company d.o.o. Sarajevo i
2. Comtrade System Integration d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda, te utvrdila da obje pristigle ponude ispunjavaju sve uslove utvrđene u tenderskoj dokumentaciji.

Tenderskom dokumentacijom je predviđeno da se cijena ponude izražava u američkim dolarima (USD) i da će se okvirni sporazum, sa izabranim ponuđačem, zaključiti u američkim dolarima (USD).

Također, predviđeno je zakazivanje e-aukcije u slučaju dovoljnog broja prihvatljivih ponuda, prema odredbama Pravilnika o uslovima i načinu korištenja e-aukcije (“Službeni glasnik BiH“ br. 66/16).

Kako je izražavanje cijene ponude, u svrhu uspješnog provođenja e-aukcije, moguće isključivo u konvertibilnim markama (KM), tenderskom dokumentacijom je predviđeno da će se izvršiti konverzija ponuđenih cijena iz USD u KM, po srednjem kursu Centralne banke Bosne i Hercegovine, na dan javnog otvaranja ponuda (03.08.2022. godine), kada je 1 USD vrijedio 1,912979 KM (izvor: Kursna lista Centralne banke Bosne i Hercegovine, koja je objavljena na [www.cbbh.ba](http://www.cbbh.ba)).

Sa navedena dva ponuđača je zakazana e-aukcija za dan 05.08.2022. godine.

Tenderskom dokumentacijom je predviđeno da će se, u slučaju uspješno provedene e-aukcije, izvršiti konverzija ponuđene cijene najbolje rangiranog ponuđača iz KM u USD, po srednjem kursu Centralne banke Bosne i Hercegovine, na dan održavanja e-aukcije, kada je 1 USD vrijedio 1,921059 KM (izvor: Kursna lista Centralne banke Bosne i Hercegovine, koja je objavljena na [www.cbbh.ba](http://www.cbbh.ba)).

Po završetku e-aukcije prvorangirana je ponuda ponuđača SYS Company d.o.o. Sarajevo čije vrijednost ponude iznosi 424.915,00 USD odnosno 816.286,79 KM bez PDV-a.

Prema informaciji iz Odjeljenja za računovodstvo i finansije, finansijska sredstva za predmetnu nabavku u 2022. godini osigurana su Finansijskim planom za 2022. godinu, dok će se ostatak finansijskih sredstava planirati Finansijskim planovima za naredne godine.

Komisija je Zapisnikom o pregledu i ocjeni ponuda, broj: 149-15-4-1579-6/22 od 09.08.2022. godine i Izvještajem o radu komisije sa preporukom, broj: 149-15-4-1579-7/22 od 09.08.2022. godine, dala preporuku kao u dispozitivu ove odluke.

**Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**Predsjedavajući  
Upravnog vijeća Centralne banke  
Bosne i Hercegovine**



**GUVERNER  
dr. Senad Softić**

Dostaviti:

- učesnicima u postupku (original)
- guverneru
- viceguvernerima
- predsjedniku i članovima komisije
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za informacione tehnologije
- u spis predmeta (original)
- arhiva